



Universitätsbibliothek Paderborn

**Theologia Moralis Universa, Complectens Omnia Morum
Præcepta, Et Principia Decisionis Omnium Conscientiæ
Casuum, Suis Quæque Momentis Stabilita**

Ad usum Parochorum, & Confessariorum

Continens Tractatus De Obligationibus Specialibus Certorum Statuum, De
Sacramentis In Genere, Et In Specie, Et De Censuris Et Irregularitatibus

Antoine, Paul-Gabriel

Ingolstadii, MDXXXIV.

VD18 90392167

Q. 1. Quænam requiruntur, ut peccatum censeatur reservatum?

urn:nbn:de:hbz:466:1-41032

catis, salvâ potestate absolvendi ab aliis. Ex Trid. sess. 14. c. 7. & can. 11. constat à Papa pro tota Ecclesia, & ab Episcopis pro sua Diœcesi reservari posse peccata, a quibus alii non possint validè absolvere sine potestate ab illis delegata. Ratio est: quia ad validè absolvendum requiritur jurisdictio, quæ cum si penes dispositionem Ecclesiæ, potest ab ea restringi, negari, & subtrahi.

Q. I. Quænam requiruntur, ut peccatum censeatur reservatum?

R. Esp. Ex praxi Ecclesiæ tria requiruntur. 1. Ut sit mortale, nam venialia non reservantur, cum non sint materia necessaria Confessionis. 2. Ut sit externum; nam licet mere interna possint absolute reservari, cum ad ea remittenda requiratur jurisdictio, quæ potest à Prelatis Ecclesiæ restringi & denegari; tamen ipsa sola externa communiter reservantur quia hæc reservatio ordinariè sufficit ad bonum regimen animarum. Ut autem peccatum externum censeatur reservatum, non sufficit quod habeat mortalem malitiam ex actu interno: sed insuper requiritur ut ipsa actio externa habeat malitiae gravitatem; nam reservatio præcipue cadit in actum externum malum, ac proindè requirit actum externum mortaliter malum ex objecto. Et sicut sola voluntas interna non reservatur; ita nee quando non procedit in actum externum habentem ex se gravem malitiam. Hinc si fur-

tum in loco sacro esset reservatum, & al. quis
aliquid leve haud sufficiens ad mortale surri-
puisset ex voluntate aliquid notabile surripi-
endi si occurisset, tale furtum etsi mortale, re-
servatum non esset. 3. Ut peccatum sit con-
summatum, nisi aliud in statuto exprimatur:
quia reservatio, cum sit quid odiosum seu one-
rosum, est strictæ interpretationis. Hinc re-
servata fornicatione, vel homicidio, non re-
servatur voluntas interna fornicandi, etiam ad-
hibito externo conatu, nisi fuerit copula car-
nalis; nec percussio gravis ex animo occiden-
di, nisi sequatur mors. Dixi, nisi aliud exprimatur,
nam aliquando reservantur etiam actus
non consumati: sic sola provocatio ad duel-
lum, & ejusdem acceptatio expressè reservan-
tur, etiamsi non sequatur conflictus.

Sunt qui docent peccata impuberum non
esse reservata, nisi exprimantur; quia in ipsis
non reperitur necessitas Episcopalis correctio-
nis: hoc tamen pendet ab Episcoporum ar-
bitrio; quare eorum intentio ab ipsis exqui-
renda est: nam cum impuberis possint esse
subjecti censuris, quidni & reservationi? Por-
rò contrahitur reservatio etiam invincibiliter
ignorata, nam non est propriè pena, nec con-
sumaciam requirit, ut Censura.

Q. 2. An peccata dubia censentur reservata?

Resp. Neg. Plurimi in dubio facti: quia re-
servatio cum sit odiosa, debet restringi ad ca-
sus certos, non extendi ad dubios. Ideoqua-
reser-